



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-5316-7

Datum: 27.11.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 33/19 i 39/20), člana 72. stav 3. tačka a) Zakona o javnim nabavkama BiH („Službeni glasnik BiH”, broj 39/14), Komisija za javne nabavke imenovana rješenjem ministra MUP Kantona Sarajevo broj 05-1-11-4-1158 od 28.02.2020. godine kao i izmjenom Rješenja broj 05-1-11-4-1158-4 od 07.09.2020. godine, ministar unutrašnjih poslova Kantona Sarajevo, d o n o s i

O D L U K U

o dodjeli ugovora drugorangiranom ponuđaču za nabavku građevinsko-zanatskih radova na sanaciji krova u ulici Envera Šehovića

I

Poništava se Odluka o izboru najpovoljnijeg ponuđača broj 01-11-4-5316-3 od 09.11.2020. godine za nabavku građevinsko-zanatskih radova na sanaciji krova u ulici Envera Šehovića za potrebe Ministarstva unutrašnjih poslova Kantona Sarajevo, kojom je ugovor dodijeljen ponuđaču „Dinalsa“ d.o.o. Sarajevo.

II

Na osnovu člana 72. stav 3. tačka a) Zakona o javnim nabavkama („Sl. glasnik BiH“ broj 39/14) u postupku javne nabavke radova provedenog putem konkurentskog zahtjeva za dostavu ponudana nabavka građevinsko zanatskih radova na sanaciji krova u ulici Envera Šehovića za potrebe Ministarstva unutrašnjih poslova Kantona Sarajevo, dodjeljuje se ugovor drugorangiranom ponuđaču „Galbols“ d.o.o. Sarajevo za ukupnu cijenu ponude, nakon provedene e-aukcije u iznosu 28.440,00 KM bez PDV-a.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru i dodjeli ugovora drugorangiranom ponuđaču. Prijedlog ugovora o nabavci radova dostavit će se na potpis izabranom ponuđaču „Galbols“ d.o.o Sarajevo po isteku zakonom predviđenog roka od dana kada su svi ponuđači obaviješteni o izboru i dodjeli ugovora drugorangiranom ponuđaču.



IV

Izabrani ponuđač dužan je u roku od 5 (pet) dana od dana prijema ove odluke dostaviti dokumente navedene u tački 12. tenderske dokumentacije, a koji se odnose na član 45. stav 2. tačka od a) do d). Traženi dokazi moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude

V

Ova odluka stupa na snagu danom donošenja.

Obrazloženje

Na osnovu odluke, broj 01-11-4-5316 od 21.10.2020. godine i Obavještenja o nabavci broj 1364-7-3-66-3-54/20 od 26.10.2020. godine, proveden je konkurentski zahtjev za dostavu ponuda za nabavku građevinsko-zanatskih radova na sanaciji krova u ulici Envera Šehovića, uz primjenu e-aukcije za potrebe Ministarstva unutrašnjih poslova Kantona Sarajevo.

Prema Zapisniku sa otvaranja ponuda od 04.11.2020. godine, za aktivno učešće u postupku dostavljene su ponude ponuđača: „Galbols“ d.o.o. Sarajevo, „Kristal“ d.o.o. Živinice, „Dinalsa“ d.o.o. Sarajevo i „GEN.C“ d.o.o. Sarajevo.

Komisija za javne nabavke za potrebe Ministarstva unutrašnjih poslova Kantona Sarajevo izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 01-11-4-5316-2 od 09.11.2020. godine.

Pregledom i detaljnom analizom dostavljene dokumentacije ponuđača, Komisija je utvrdila da sve dostavljene ponude sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove, te shodno utvrđenom kriteriju „najniža cijena“, ispunjavaju sve zahtjeve ugovornog organa, te je u skladu sa obavještenjem o nabavci i u skladu sa odredbama Pravilnika o uslovima i načinu korištenja e-aukcije ista i provedena.

Nakon provedene e-aukcije, kao najpovoljnija ponuda, izabrana je ponuda ponuđača „Dinalsa“ d.o.o. Sarajevo.

Odluka o izboru najpovoljnijeg ponuđača i dodjeli ugovora broj 01-11-4-5316-3 od 09.11.2020. godine zajedno sa Zapisnikom o pregledu i ocjeni ponuda broj 01-11-4-5316-2 od 09.11.2020. godine je dostavljena svim ponuđačima u ovom postupku javne nabavke.

U dostavljenom krajnjem roku izabrani ponuđač „Dinalsa“ d.o.o Sarajevo nije dostavio (original ili ovjerenu fotokopiju, ne stariju od tri mjeseca, računajući od dana dostavljanja ponude) potvrdu od banke da glavni transakcijski račun nije blokiran neprekidno u trajanju od 7 (sedam) dana odnosno ukupno trajanje blokade računa ne može biti duže od 15 (petnaest) dana u posljednjih 6 (šest) mjeseci od dana podnošenja ponude, a što je predviđeno tačkom 12. Tenderske dokumentacije, te je ugovorni organ u skladu sa članom 72. stav 3. tačka a) Zakona o javnim nabavkama donio Odluku o dodjeli ugovora drugorangiranom ponuđaču „Galbols“ d.o.o. Sarajevo.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Cijeneći naprijed navedeno, a u skladu sa članom 72. stav 3. tačka a) Zakona o javnim nabavkama ("Službeni glasnik Bosne i Hercegovine", broj 39/14), Izvještajem o toku i završetku e-aukcije, riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu čl. 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

DOSTAVITI:

1. Komisiji,
2. Upravi podrške
3. Ponuđačima/izvođačima radova,
- ④ Kabinet ministra, stručni savjetnik za odnose s javnošću
5. a/a.



MINISTAR

mr. Ismir Jusko



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

